




P'iñaj Cain
paybuj wawkida
wañuchiga.




Adangun Evanga
ishki churigunadami
chariga. Kallari
churidaga Cainmi
shutichigaguna, k'ipa
churidaga Abelmi
shutichigaguna.



Abelga michijmi
tukuga. Paybuj ñaubá
wawki Cainga achpada
tarbusha rurujmi
tukuga.



Adangun Evan
paigunaj ishki
churigunash Diosgun
kallaribi ima laya
apanukunada ña na
charigagunachu.



Rikuchijunaga paygunaj
reverenciada Diosmu rumin
altarda rurushkamunda chi
jawabi churujunaga mikuna-
gunada Diosmu kumbidashka.
Mikunada rupachishami Diosmu-
ga k'willadi samyada ruruga. Kay
kumbidashkagunaga sacrificiosh
ofrendash shutigunamiga.



Shuj f'unlla chi
ishki churiguna
mikunagunada
Diosmu kumbida-
ngu apamugaguna.



Cainbuj ofrendaga
paybuj huertobi iña-
chishka mikunamiga.




Abelbuj ofrendaga
tukimunda yalli alli
iñachishka ovejamiga.



Diosga Abelbuj
ofrendan cushilladi-
miga; Cainbuj ofren-
danga na cushillachu-
ga.



Shinamunda
Cainga man-
chanaidi
p'iñariga.



Chimundami Cainmu Diosga:
“¿Imamundadi f’iñarisha chi
ñawikuda churungui? Allimada
rurushkamashaga ñawida alsi
pudinguumi. Na shina
rurashaidika, imara kanda
dominangu juchaga chapanmi;
shinash kan paydaga domini
pudingimi,” nisha niga.




Cain Dios adverti-
shkada na kazugachu.

Shinami shuj f'unlla
Caingun Abelgun
chagrabí gashka
ratubi,



Cainga Abelda
takusha wañuchiga.



Shinushaga Cainmu
Diosga: “¿Maibidi
kanbuj wawki Abel-
ga?” tapukiga

Cainga, “Na yachani-
chu. ¿Ñucachu wawki-
da chapanachari
gani?” nisha niga.



Diosga: "¿Imamundadi
shina rurugangui? Kanbuj
wawkij yaurga achpabi
jichushtashkamundaga
ñuka cabida rurachun
kaparishaydimi mañan.
Chimundami 'Na alli,'
nishkash llujshichishta-
shkash sakiringui," niga.



“Tarbugukish
achpaga kanbuj
frutogunada kungu
na vueltungachu. Cai
pachabi maybish
purigujllami tuku-
ngui; imarash na sami
pudinguichu.”




Chimundami Diosmu Cainga:
“Ñuka shuj jatundi llakichitika
awantangu na pudishachu. Kunun-
ga kay achpamunda llushichisha
shituskanguimi. Cay pachabiga
kanbjadumunda karubi maybish
purijllami tukusha, imarash na
sami pudishachu. Shina, maijinbish
japijga wañuchingami,” nisha niga.



Diosga pish ama wañu-chichun shuj señaldami Cainmunga churuga. Cain Nod achpabi kawsungu Diosmunda llujshiga. Nod shutimi '*pandarij*' shina nin.

Shinami Cain paybuj juchagunamunda llakichishka gaga.



La historia bíblica de Cain y Abel se encuentra en el primer libro del Antiguo Testamento – que es llamado Génesis - en capítulo 4.

